



UNIVERSITÄTS-
BIBLIOTHEK
PADERBORN

Universitätsbibliothek Paderborn

Annales Heremi Dei Parae Matris Monasterii In Helvetia Ordinis S. Benedicti

Hartmann, Christoph

Friburgi Brisgouiae, 1612

Reverendissimo Ac Serenissimo Domino Maximiliano Archidvci Avstriae,
Bvrgvndiae Dvci, Comiti Tirolis, Thevtonici Ordinis Svmmo Principi.

urn:nbn:de:hbz:466:1-38545



REVERENDISSIMO
AC SERENISSIMO DOMINO
MAXIMILIANO
ARCHIDUCI AVSTRIAE,
BURGVNDIAE DUCI, COMITI TI-
ROLIS, THEVTONICI ORDI-
NIS SVMMO PRINCIPI.

AVGVSTINVS
DEI ET APOSTOLICÆ SEDIS GRATIA
HEREMITARVM ABBAS, ET IMPERII PRINCEPS,
felicitem precatur:



QVAM primum, Reueren-
dissime, & Serenissime Prin-
ceps, ad huius Prælaturæ
munus accessi, Diuina ma-
gis voluntate, quam mea, in-
ter plurimas alias curas, quæ me eodem tem-
pore in continenti inuaserunt, habuerunt-
que, non postrema ea fuit, quo pacto Mona-
sterij Annales, antecessorumque meorum
successionem & memoriam, tot casibus,

incendijsque pene abolitam, atque exstinctam denuo repararem, & aduersus id genus, & alias temporum, hominumque iniurias quam longissime conseruarem. Itaque id subito negotium Bibliothecario nostro commisi. Cuius diligentiam in colligendis, veluti magno ex naufragio, tabulis, digerendisque, ac componendis cum non probare non possem, visumque esset precium operæ multis de causis publici eosdem Annales facere iuris, profectò, qui à calumniatoribus, & nostræ antiquæ, & veræ religionis, & institutionis perduellibus, quorum nullum hoc seculo aliud feracius fuit, fortiter, & constanter vindicaret, atque adfereret, magno aliquo, & beneuolenti Principe, & Patrono opus iudicauit. Per cuncta animo circum eunti præter Tuam Serenitatem nemo occurrit alius, qui vtrumque & efficacius posset, & lubentius vellet. Tot adeò iam quoque super sunt tuæ benignitatis, & pietatis in hoc Monasterio testimonia. Neque enim solum tua id præsentia humanissimè condecorasti, sed frequentibus tuis donis, ac muneribus plus quam

regia

regia munificentia, & magnificentia, ita
auctum, & cumulatum esse voluisti, vt inter
primos Fundatores vna cum tua Serenissi-
ma Domo numerari, ac memorari merito
debeas, ac præcipuum facile locum obtine-
as. Vt non amplius referam, qua Tua me
Serenitas ipsum benevolentia, & propen-
si animi significatione amplecti dignum ex-
istimauerit, Tuæ Serenitatis & numquam
satis laudatæ tuæ familiæ, more, & vestigio
meorum antecessorum alias obseruantissi-
mum, & deuinctissimum. Certe Rudol-
fus I. Imperator Austriacæ Domus glorio-
sissimus, & fortunatissimus conditor, et
propagator, Vricum II. Abbatem XVIII.
inter Principes Imperij primum coopta-
uit. Albertus I. qui successit, non solum
paternum diploma confirmauit, sed Ioan-
nem Abbatem, & quidquid huius Mona-
sterij fuit, in suam, & suorum protectionem
singularem adsumsit. Posterius, & qui ab eo,
& eum secuti Austriæ Duces, & Archidu-
ces vtriusque sexus prope omnes magnis,
& pluribus, perpetuisque beneficijs adhæc
vsque tempora idem hoc Monasterium

collocupletare, & celebrare numquam desierunt. Neque tamen etiam nostri tantæ benignitati, & gratiæ defuere. Quandoque, & quamdiu licuit, Austriacos Principes milite, plerumque opera, & consilio adiuuerunt: sæpius inter discordantes arbitri, bello, paceque, fidos se, et obsequentes exhibuere. Postremo pro eorum incolumitate, magnitudine, et gloria assiduis apud Diuinam Maiestatem orationibus, et sacrificijs sedulo collaborarunt, & intercessere. Quorum ego institutis, & votis uti persistam, continuatio, & magnitudo beneficiorum ab eadem munificētissima Domino, & Tua cum primis Serenitate, jure merito perpulerunt. Cuius rei quale quale hoc jam quidem certe signum, et documentum, apud vniuersos, et meos præcipuè hac in dignitate successores exstare cupiui: Tuæque Serenitati hos ipsos Annales inscribere, offerre, dedicare non dubitavi, & in eiusdem patrocinium consignare. Eamdem submisit, & maximo opere rogans, ut dum sua, majorumque suorum dona, & beneficia inspicit, & agno-

scit ea

scit, ea non solum, sed nos ipsos simul omnes, solito suæ benignitatis fauore, porro fouere, & commendatos habere clementissime velit. Ita Deum obtestor, precorque, & beatissimam eius Virginem Matrem, vt Tuam Serenitatem, & Domum tuam vniuersam quam potentissimam, & florentissimam conseruare perpetuis temporibus dignetur. Ex Heremo, Idibus Ianuarij huius incuntis Anni Domini Nostri
CIC. IC. XII.



